



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 813. Usque Ad Annum 859

**Fleury, Claude**

**August. Vind. [u.a.], 1760**

**VD18 90117867**

§. 33. Seditio in Ludovicum Imperatorem.

---

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

ginem, longo post tempore asservatam, qua admota languidi curabantur. Laza-  
 rus compluribus annis Theophilo Impe-  
 ratori superstes fuit.

Sæculum IX.  
 A. C. 830.

§. XXXIII.

*Seditio in Ludovicum Imperatorem.*

In Francia contigit, ut Ludovicus Impe-  
 rator animi imbecillitate fortem prope  
 inauditam sibi conscisceret. Cum ex Er-  
 mingarde prima uxore sua tres filios su-  
 scepisset, eos omnes Reges nominavit, Lo-  
 thario primogenito ad societatem Impe-  
 rii adlecto Italiam dedit, Aquitaniam Pi-  
 pino natu secundo, & tertio, cui nomen  
 Ludovicus, Bavariam. At matre ipso-  
 rum elata, Juditham duxit, quæ ei anno  
 octingentesimo vigesimo tertio filium  
 quartum peperit, dictum Carolum. Igi-  
 tur huic quoque Mater regnum quære-  
 bat, eique Ludovicus Imperator anno  
 octingentesimo vigesimo nono sub Regni  
 nomine illam provinciam, quæ tunc Ale-  
 mannia dicebatur, nimirum Regiones,  
 quas Rhenus superior alluit, Rhœtiam,  
 & Burgundiæ partem dedit, Lothario &  
 Ludovico præsentibus, qui in eam rem  
 consentire videbantur. Quin imo pol-  
 licitus est Lotharius, se Caroli Defenso-  
 rem futurum. Verum brevi eum pro-  
 missi poenituit, & Imperator seu verius  
 Juditha, ut partes suas contra filios pri-  
 mo

Sup. lib.  
 XLVI. §.  
 27.

Theog. c. 35.  
 Nithard. l. I.  
 Astron. an.  
 829.  
 Ann. Egin.  
 829. vit. Wa-  
 læ. n. 7. to 5.  
 Ad. SS.  
 Ben. p. 496.

Sæculum IX. mo thoro natos firmaret, ad Regiam vo-  
A. C. 830. cavit Bernardum Comitem Barcinonen-  
 sem & limitibus illis Hispaniæ præfectum  
 S. Guilielmi Gelonensis filium, quem Lu-  
 dovicus Imperator Cubiculariorum præ-  
 fecti munere, quod tunc temporis in Pa-  
 latio erat præcipuum, auxit.

Bernardus vastæ ambitionis homo &  
 ad violenta consilia arripienda proclivis  
 contentionem inter patrem & filios fo-  
 vit, & complures proceres a suis amovit  
 officiis, plerisque Optimatum invisus.  
 Tanta ei cum Imperatrice familiaritas,  
 ut illiciti commercii suspicio apud ple-  
 rosque nasceretur. Imo brevi ad seditio-  
 nem manifestam ventum est. In vere  
 anno octingentesimo trigesimo cum Im-  
 perator loca mari adjacentia peragraret,  
 Britanniam petens, Pipinus Rex Aquita-  
 niæ valido cinctus exercitu usque Paris-  
 ios & inde usque Vermeriam obviam  
 egressus est. Ludovicus Imperator vi-  
 ribus inferior dimisit a se Bernardum, qui  
 fuga elapsus Barcinonam pervenit, Judi-  
 tham uxorem Lauduni in Monasterio Do-  
 minæ Nostræ inclusit, & ipse Compen-  
 dium se recepit. Pipinus interea Regi-  
 nam in conspectum suum perducere jubet,  
 quæ mortis metu pavida promisit, se ve-  
 lamen monasticum accepturam, & Impe-  
 ratori persuasuram, ut & ipse monasti-  
 cum habitum amplecteretur. Tum ad  
 Impe-

*Ann. Met.*

829.

*Astron. Ann.*

*Bertin. 830.*

Imperatorem deducitur, qui ei potestatem fecit Monacham profitendi, sibi vero tempus dari postulavit ad deliberandum, an expediret sibi comam præscindi. Porro Juditha Pictavium perducta, & in Monasterio S. Crucis custodia data, advenit Lotharius & tandem etiam Ludovicus Rex Bavarix. Tum tribus filiis Compendii præsentibus mitiora Patrens suggestit consilia, professus, non improbari a se, quæ acta essent, & promittens, se impostero nullum gravioris momenti negotium excluso ipsorum consilio peracturum. Igitur illa æstate Ludovicus nomen quidem Imperatoris retinuit, quamvis tota auctoritas penes Lotharium esset. At vero mense Octobris ejusdem anni octingentesimi trigesimali Comitia celebrata sunt Noviomagi, ubi Ludovicus Imperator Germanix proceribus strenue ejus partes tuentibus pristinam potestatem recepit. Tunc autem prius nihil habuit, quam ut Hilduinum Abbatem in exilium mitteret, quod contra Imperatoris præceptum militari manu succinctus ad illum Conventum venisset. Missus est in Saxoniam, ubi aliquamdiu in Monasterio Corbejæ novæ mansit. Wala quoque antiquæ Corbejæ Abbas relegatus; nam & ipse ad seditiosorum partes accesserat, quod sibi persuasum haberet, vera esse, quæcun-

Sæculum IX.

A. C. 830.

vit. *Walæ*

c. 10.

*Astron.*  
Comitia  
Noviomagi  
gensia.

Sæculum IX. que de Juditha & Bernardo ferebantur,  
 A. C. 830. atque hunc virum vitæ Imperatoris infi-  
 diari. Relegatus est autem ad lacum Ge-  
 nevensem, & in specum inaccessibilem  
 detrusus. Dum ibi morari cogitur, Pa-  
 schasius Monachus amicus ipsius & se-  
 cretorum conscius ad eum mittitur, qui  
 ab ipso culpæ confessionem eliceret. At  
 Wala non commisit, ut sua sententia  
 damnaretur innocens; simplici enim &  
 recto animo crediderat, alia ratione rem-  
 publicam salvari non posse, quam si Ber-  
 nardi tyrannis excuteretur. Ad Mona-  
 sterium nigrum in Insula *Hero* subinde  
 deportatus, & tandem ad Corbejense  
 suum Monasterium dimissus est.

Jesseum Episcopum Ambianensem,  
 qui inter Duces illius seditionis haberi  
 non veritus fuerat, Noviomagi congrega-  
 ti Episcopi deposuerunt. Ceterorum ve-  
 ro reorum iudicium ad Comitata mense  
 Februario sequente celebranda, differen-  
 dum esse existimarunt. Interim in hoc  
 Conventu omnes arbitrati sunt, Judi-  
 tham Imperatricem contra fas a Ludovi-  
 co Imperatore marito abstractam secun-  
 dum Canones, & auctoritate Gregorii  
 Papæ, Principi esse reddendam. Hinc  
 conjectura est, Gregorium Papam hac  
 super re fuisse consultum. Juditha illi-  
 co revocatur, & ad Imperatorem redit,  
 ea tamen conditione adjecta, ut in pro-  
 xime

xime futuris comitiis compareret, & cri-  
mina sibi objecta dilueret, eo usque au-  
tem Imperator honores suæ Dignitati  
competentes non concederet. Comitia  
illa celebrata sunt Aquisgrani mense Fe-  
bruario anno octingentesimo trigesimo  
primo, ut præstitutum fuerat. Juditha in  
conspectum Imperatoris & filiorum ipsius  
ingressa est, quæ sivitque populus, an ali-  
quis esset, qui vellet eam accusare. Ne-  
mine se movente ipsa edito juramento de  
omnibus sibi objectis juxta legem Fran-  
corum se purgavit. Tum rei, qui No-  
viomagi custodia traditi fuerant, judica-  
ti; visumque est omnibus, esse morte  
dignos. Verum Imperator vitæ gratiam  
fecit, satisque bono Principi fuit præci-  
pere, ut in diversis locis custodirentur,  
Clerici autem in Monasteriis includeren-  
tur. Imo eodem anno complures liber-  
tati restituit.

## §. XXXIV.

*Paschafii Ratberti initia.*

Inter has turbas & Wala Abbate in exi-  
lio degente Paschasus Ratbertus Tra-  
ctatum suum de Corpore & Sanguine  
Domini nostri celebratissimum scripsit.  
Is a prima ætate in Monasterio Nostræ  
Dominæ seu Sanctæ Virginis Sueffione  
beneficio Sanctimonialium illarum, qui-

*Mabill. in  
præf. to. 6.  
§. 1. n. 4.*

S 5

buit,